

朔州志

朔州志卷之十

人物志

鄉賢

忠孝

事功

文行

豪強

天地山川清淑之氣蜿蜒扶輿旁薄而鬱積則必有

一魁奇俊偉忠信材德之民生乎其間此人物所由重

也朔地處邊陲襟山帶水靈秀所鍾往往篤生偉人

或夙敦至性或志秉忠貞或建勲植業或砥行立言

豐功天節固表表人耳目間矣至於筭黛弱質生長

閨闈非有文史之儲師友之訓而守義不慮視死如

歸徽烈所樹直可激揚千載夫孰非山川之秀粉榆

之光乎若夫奸雄草竊乘時得志其人亦皆豪士而不義自斃則人物之烟鑿也茲編冠從祀鄉賢於前而於未列祀典者按其生平分忠孝事功文行豪強以紀之而附列女於其後至近今之令聞已著與夫潛德無傳者亦皆采之公評叅之輿論節錄於篇以俟藻鑿人倫者擇焉志人物

鄉賢

晉

秦

秀

字元良新興郡人父朗魏驍騎將軍秀少敦學行以忠直知名咸寧中為博士時何曾卒

下禮官議諡秀議曰自近世以來宰相輔臣未有受垢辱之聲被有司之劾父子塵累而蒙恩貸若曾者也按諡法名與實爽曰繆怙亂肆行曰醜曾之行已皆與此同宜諡繆醜時雖不果用秀議聞者壯之秀性忌讒佞疾之如讐素輕鄙賈充充薨秀議曰諡法昏亂紀度曰荒諡荒公時謂知人云

劉

殷

字長盛新興郡人高祖陵漢光祿大夫殷七歲喪父哀毀過禮服喪三年未嘗見齒曾祖

母王氏盛冬思董殷時年九歲乃於澤中慟哭忽若有人云止聲殷收淚視地便有董生焉又嘗夜夢人謂之日西籬下有粟寤而掘之得粟十五鍾時人嘉其孝感弱冠博通經史有濟世志州郡屢

徵不起齊王攸征南將軍羊祜辟召皆以疾辭同
郡張宣子勸之就召殷曰王母在堂應命便不得
就養宣子曰識量如子當為吾師以女妻之及祖
母卒殷夫婦毀瘠後有二白鳩巢其庭樹自是名
譽日著太傅楊駿禮聘殷以母老固辭趙王倫篡
位以散騎常侍徵之殷逃奔雁門及齊王回輔政
辟為大司馬軍咨祭酒既至拜新興太守有七子
五子各授一經一子授史記一子授漢書一門之
內七業俱興北州之學獨盛殷後以壽終前止載
孝子項下順治十四年按院俞批准崇祀鄉賢

北魏

朱

瑞 桑乾人長厚質直爾朱榮引為大行臺郎中
甚見親任累除侍中兼吏部尚書封樂陵公
瑞雖為爾朱榮所委而善處朝廷間
上亦善遇之稱其忠實卒諡恭穆

北齊

斛律金

字阿六敦朔州勃勒部人祖父俱仕魏金性
敦直善騎射行兵用匈奴法望塵知馬步多
少嗅地知軍度遠近初任魏為鎮南大將軍後從
齊高祖歡舉義贊成大謀累功封咸陽郡王子孫
皆封侯貴達一門一皇后二太子妃三公主尊寵
之盛嘗謂子光曰我雖不讀書聞古來外戚無不
傾滅我家直以立勲抱忠致富貴
豈可藉女寵耶薨年八十諡曰武

唐

尉遲敬德

詳見本傳

五代晉

安重榮

小字鉞胡本州人善騎射為振武巡邊指揮
晉高祖起太原重榮以巡邊軍千騎從之高
祖即位拜成德軍節度使重榮雖武夫而曉吏事
其下不能欺有夫婦訟其子不孝者重榮拔劍授

其父使自殺之其父不忍其母從后詬罵奪劍逐之問之乃繼母也重榮叱其母出從後射殺之見晉高祖父事契丹鞠躬俯首憤然以為此萬代恥也後僧侈驕傲謀攻契丹因而叛晉兵敗而死

金

揚沃衍朔州靜邊人少時為北邊屯田吏未有所知名以事謁宣宗奇之擢武州刺史沃衍屢建

奇功累官元帥左監軍中都留守兵敗於元日我金之重臣祚哀國危不能拔豈肯貪生苟免以覩顏人世乎與烏古論黑漢俱死節

明

孫日嚴字敬倩本州人七歲失怙事母唐以孝聞母病衣不解帶者三閱月喜讀書每以義利之

辨定君子小人鄉人敬之舉萬曆甲午鄉試令偃師守霸州所至有循聲已未大計以勁直失監司

意坐浮躁鐫秩一級拂衣歸里有終焉之志會遼瀋失陷復謁選得掄闕別駕主餉事軍興有年巡人多憚不願往銓曹特以屬日嚴以勞瘁卒於官樞輔愷陽孫公為文致祭極其傷悼先後疏請優卹俱報可候題覆所司延入鄉賢祠畧云定省晨昏行孚里中月旦品題倫類學深皮裏春秋死疆場無玷宮牆陳祝史有光俎豆有子柏舉人次杆次貢能世其家

盧時泰字靖寰本州人中萬曆壬子舉人丙辰進士初任行人司行人考選禮科給事中見魏璫

擅權上時事九極疏一日民生凋弊之極一日財用匱乏之極一日仕路躁競之極一日老成凋謝

之極一日人心渙散之極一日風俗奢侈之法紀凌夷之極一日名器濫觴之極一日風俗奢侈之法紀凌夷之極一日

謹告之極疏忤璫意出為陝西副使丁憂服闋補山東副使備兵易州道累官四川布政司參政時

泰工古文詞一時記序碑銘皆其著作州志藝文所載甚多

周禮萬有二千五百家為鄉鄉有鄉老鄉師以公卿大夫士之致仕者為之生而布政教於其鄉歿則記之名曰鄉賢鄉賢之中一鄉之善士有焉一國之善士有焉天下之善士有焉天下之善士天下祀之一國之善士一國祀之而亦必祀於其鄉者鄉之人仰之慕之而不能已越千百世猶藉之以光蓋高山景行意也宋文丞相居鄉時指其鄉之先賢祠日歿而不俎豆於其間者非大夫也今都門之中尚有其祠况於其鄉耶若此真可謂大丈夫天下士矣朔之庠祀鄉賢祠者九人中有卓卓可稱載於史冊者正不獨為一鄉之善士也昔孟子憂其未免為鄉人而必欲如舜為法天下可傳後世卒之配享文廟血食千載真可謂百世之士矣然則士之有志者可不思高自位置也哉

忠孝

元魏

朱長生

本州人魏孝文時為員外散騎常侍奉使高車同郡于提為副至則高車王阿伏至羅欲降二人以兵脅之長生與提厲聲曰我生為魏臣死亦魏鬼寧烈士肯畏死耶至羅舍之而拘留三年始放還孝文嘉其節拜長生河內太守提隴西太守並錫爵為男

五代唐

周德威

詳見本傳

董重進

振武人晉王李克用破朔州得之賜姓名李存進從破黃巢為義兒軍事莊宗從戰河上舟兵來往頗以為勞存進乃以葦笮維大艦為浮橋莊宗大喜解衣賜之以功遷振武節度晉討張

文禮於鎮州以存進為招討軍於東垣渡東垣土
惡築壘不能就存進伐木為柵文禮子處球以兵
千餘逼柵存進出戰橋上殺其兵
殆盡而存進亦歿於陣追贈太尉

明

吳

順

本姓雷壻於吳從其姓先世江右撫州臨川
人父添祥遣戍朔州衛生順字孟高性淳謹
不事表暴母氏早逝家且窘順賣薪為業奉父益
謹三十餘年未嘗稍怠父患傷寒病七晝夜祕結
不得通順舐穀道糞卒出又患瀉痢順聞糞苦可
治夜禱北辰取嘗糞苦澁求醫少間父思雉燿時
三月忽雉飛入其家捕烹食之遂愈壽九十一卒
葬八里原順廬墓側年已七十矣鹽醬不入口負
土封塋朝夕悲慟不衰數日復有慈烏百數飛翔
繞墓哀鳴鄉里咸謂孝感所致順之與入也不以
災而附寒而棄每令其嗣灑習諸藥試奇疾人多
德之正統十四年詔旌九十賜爵一級年將百歲
卒而

孫文

朔州歲貢以孝稱父卒廬墓三年母卒亦
如之授寧夏中衛訓導有司以閩旌其閭

柳毓榮

字含金州之前里人
世襲指揮使任本城衛
掌印事性至孝父患癱症嘗藥祈代寢必同

榻衣不解帶者三年時稱為柳孝子生平仗義
救人之急有指揮張克臣刺印俱委用招買虧折
銀七百兩有奇羈禁二載將鬻妻子以償毓榮慷
慨代賠崇正十三年奇荒斗米銀一兩三錢毓榮
捐金賑濟存活甚眾百姓差糧逋欠不忍加刑追
比又代賠國課九百餘兩明季流寇猖獗議及防
禦獨力捐金修本城東北角樓一坐又造箭簾五
百架志圖死守無何城陷賊縛之大罵不屈割舌
斷齒置極刑至死罵不絕口

盧

鍾

字國長參政時秦子隨父之任四川時張獻
忠亂蜀參政致仕回道遇流寇從人解散年

老不能行，錘夜負父而行，幾三百餘里，艱苦萬狀，父歿未幾，復遭李闖至，剽比掠宦後弟，幼被獲，受刑錘，挺身向前，代比弟，因以免鄉黨，宗族稱其孝，友有司舉鄉飲正賓。

史朝顯

本州人性豪爽，不拘小節，世襲副千戶，明末流寇猖獗，嘗欲噓太息，思以身殉，會闖逆陷

城，賊入門脅之，從大罵，不屈，賊以刀剗其口，斷舌，血流一門，皆遇害，止遺十二歲幼子，史筆後筆生

子史成於

國朝任浙江寧台總兵，誥贈三代榮祿大夫。

殷體信

本州人，字明字任，固原總兵時流寇猖獗，率兵殊死戰，遂亾於陣。

夏

紀本州人，平魯衛三司把總，崇禎年春，插首挾賞不遂，擁萬騎從迎恩堡，直薄平魯關，外惟

時守操所部，不過五百人，守備馬化蛟與張堯臣等，毅然馳赴，與虜遇，鏖戰逾時，萬虜畢集，圍之數重，紀奮臂一呼，眾氣百倍，乘勝衝突而前，直貫其隊，虜萬矢如蝟，竟死於難，千總張文翼策騎疾援。

化蛟等更累倉血戰，虜遂披靡而遁，化蛟痛紀獨死，王事立碑志其事，載藝文。

國朝

郭

建

本州下梨園村人，國初勅剃髮，違者大辟，兩鄰連坐，亦斬本村葉成才，不剃髮，事發擬

斬，建父鳳林伯鳳山，連生擬斬，建告監斬者曰：父生我身，願以身代，遂斬，建而釋其父，鳳山子郭安亦告代監斬者，見鳳山年老，止此，一子不忍代安，雖未死，亦不可沒。

史國顯

朝顯之兄，任本州道標千總，順治六年遭姜逆之變，同長子史第俱赴火死。

朱鼎瀆

本州人，明奉國將軍，天性誠孝，父癘，鑿病告天，析代卒，竭力治喪，葬大風雪，哀禱即止。

國朝鼎革，家甚貧，養母殷氏，菽水承歡，奉詔賜四品職，銜仍賞千金，人謂孝子之報云。

牛奇雄

字狀斗，本州人，事父母以孝聞，詳見本傳。

閻開 基字德昌兄弟以孝友聞詳見墓表

王汝庸 字帝簡人龍子州廩生事親孝備極色養父常與弟偕至成立乃已常以價二十餘金買鄉人李毓才地後毓才貧苦至差徐不辨庸即以地歸之不索其直子弟皆恂恂謹飭論者謂內行純篤彷彿陽元宗云

周承基 以生員援例入太學父典病親嘗湯藥卧同床衣不解帶者數月及父歿事母高氏尤謹

唐 璋 本州西里人自孩提時即能問父母寢食稍務農母以痛幾絕父性嗜酒家貧艱於供每忍耐不多飲璋窺父意嘗密置酒瓶中父喜以為隱有神助因得盡情歡飲如此三十餘年父足不耐步璋肩負而行玩景適情以樂天年父老病醫藥無所不至死之日竭力營葬守墓備

依依不忍去郡人稱唐孝子云

喬 崧 字翰周州庠生母在京卒未殯父光先任江南松江府知府卒於官其幼弟亦以宦况蕭

然二棺權厝於蘇因父任未完帑項行原籍追變家產崧赤貧如洗寄食於外舅霍廣文家因泣呈

于州查勘實無產可變詳請具題奉旨豁免崧每念父喪在南母喪在北不能合祔輒嗚咽流涕乃懇於梓戚得少資斧遂徒步往蘇至則當事憫其誠孝各捐金仗助乃得扶父柩與幼弟骸骨歸里又從都中取嫡母喪以歸合窆於先塋之次里人嘖嘖稱嘆云

田世增 世業農父茂業忽患危疾往延代州名醫途遇一僧授以方合藥須用人肉世增歸即持刀自割其股合藥以進父病漸愈昔韓忠肅有言日母病止於煮粉藥石以為事未聞毀傷肢體以為養朱子又謂割股固自不是若誠心為之亦庶幾焉世增之割股本非常道而一念愚誠亦不可沒故特綴之篇末

之篇末

西銘大君一而家人嚴君二詩曰夙夜匪懈以事一人忠也明發不寐有懷二人孝也君父居在三之極忠孝為百行之先士生斯世未有大節不敦而可無愧於人道者也朔習唐虞忠直之風負燕趙慷慨之氣忠孝性成代有其人如劉長盛之孝感冬董鄂國公之心如山岳揚沃衍取義舍生郭鳳林有子代死莫不愛根天性志極丹誠至於殉城捐軀闔門遇難嘗冀感雉廬墓終喪英風順德俱可千古生斯土者聞風興起忠孝之心可以油然而生矣

事功

漢

王

霸

馬邑人字元伯為漢戶部尚書遊王莽之亂棄官歸後從光武起兵至下曲陽傳聞王郎

兵躡後從者皆恐至滹泥河津吏白河水流漸無船不可渡光武使霸往視霸恐眾驚散乃詭曰水堅可渡遂前至河河水果合因獲渡未畢數騎而冰解後追斬王郎於邯鄲為騎都討討虜將軍建武四年七月奉詔同捕虜將軍馬武圍劉紆周建於垂惠蘇茂救之馬武為茂建所敗奔過霸營大呼求救霸乃閉營壘軍吏皆爭之霸曰捕虜無救其戰自倍賊象疲勞吾乘其弊乃可克也茂建果悉兵攻武合戰良久霸乃開營後出精騎襲其背茂建敗走霸武各歸營茂建復挑戰霸堅臥不出方饗士茂兩射營中中霸前酒罇霸安坐不動謂軍吏曰茂兵遠來糧食不足故數挑戰以邀一

時之勝今閉營休士所謂不戰而屈人之兵者也
茂建不得戰乃引遠建於道死茂葬下邳九年詔
遷上谷太守備匈奴
與功臣以霸為第十三人圖像雲臺

三國魏

張

遼

鴈門馬邑人本犇一之後以避怨改姓少為
郡吏并州刺史丁原以遼武力過人召為從

千餘人還進敗以兵屬董卓卓敗以兵屬呂布布
據徐州遼領魯相魏武破布遼歸魏拜中郎將數
從征伐有功以遼為益寇將軍吳魏合肥之役遼
以步卒八百破孫權兵十萬威震江東拜征東將
軍進爵都侯曹丕嗣位轉前將軍封晉陽侯卒於
江都諡曰剛侯子虎嗣
為偏將軍卒子統嗣

元魏

賀拔度拔

神武尖山人性果毅為武川鎮軍主子三

拔陵反懷朔鎮將楊鈞聞度拔名召補統軍配以
一卒及賊攻滅武川又陷懷朔父子為賊所虜後
復糾鄉里豪傑襲殺叛賊朝廷嘉之未及封
賞度拔與鐵勒戰沒孝昌中追贈朔州刺史

賀拔勝

字破胡度之子岳之兄少有志操善左右馳
射以軍功進鎮遠將軍尋以預定策立孝莊

功封易陽縣伯遷撫軍將軍孝武入關拜都督三
荆三郢南襄南雍等七州諸軍事為侯景所敗南

奔於梁後從梁至長安孝武乃授太師禽竇泰攻
弘農下河北禽孫晏破東魏軍於沙苑追之與高

歡相遇呼曰賀六渾賀拔破胡必殺汝也會馬中
流矢死高歡逸去是歲勝諸子在東者皆為高歡

所害勝憤恨卒贈太宰諡貞獻 郡志叙入後周
考勝與弟岳皆卒於西魏時宇文尚未授禪自當

元叙入
魏

賀拔岳

字阿斗泥拔之子勝之弟少有大志初為太學生能左右馳射驍果絕人不讀兵書而暗

與之合初懷朔賊在城西三百餘步岳乘城射之箭中賊帥賊大駭以定策孝莊功封爵樊城鄉男

授前將軍累以軍功進封清水郡公永熙二年孝武帝密令兵圍高歡遂刺血持以寄岳詔岳都督二

十州諸軍事高歡遣左丞翟嵩至關中問岳及侯莫陳悅悅誘入營詐云腹痛去令其婿元洪景殺

岳於幕中朝廷惜之贈侍中太傅諡武壯子緯嗣拜開府儀同三司爵霍國公尚文帝女

侯深

神武尖山人莊帝時以戰功封厭次侯

北齊

賀拔允

度拔之子岳勝之兄北齊神武與參定大策累官領尚書令進爵為王

狄庫威

懷朔人封華陽縣公

後周

赫連達

字朔周威樂人勃勃之後改姓杜性剛勁有膽力少從賀拔岳征討有功及岳為侯莫陳

悅所害達馳往周文請兵定亂魏孝武入關褒敘勲義復姓赫連除雲州刺史進爵為公雖非文吏

然性質直遵奉法度廉儉自持達欲招集異類報以繒帛主司請用官物達曰羊入我廚物出官庫

是欺上也令取私帛與之識者嘉其仁恕尋進爵樂川郡公位柱國

隋

乞伏慧

馬邑人祖周魏銀青光祿大夫父節文襄時累遷右衛大將軍自永寧縣公封宜民郡王

兄貴和亦以軍功為王慧少慷慨有大節周文平齊授開府儀同大將軍及高祖受禪拜曹州刺史

曹民舊多奸滑隱匿戶口簿籍恒不以實慧下車按察得戶數萬遷涼州總管突厥屢寇慧嚴烽燧

謹斥振著族憚其威名不敢犯境
總管三十一州諸軍事治化大行

唐

高滿政

本州人初從劉武周為亂及武州敗奔突厥
與苑君璋猶據馬邑高祖武德六年以馬邑

來降先是前并州總管劉世讓陳備邊之策日突
厥比數為寇良以馬邑為之中頓故也請以勇將

戍崞城多貯金帛募有降者厚賞之數出騎兵掠
其城下蹂其禾穡敗其生業不出歲餘彼無所食

必降矣上然其計日非公誰為勇將即命世讓戍
崞城馬邑病之是時馬邑人多不願屬突厥上復

遣人招諭苑君璋高滿政因眾心所欲夜襲君璋
降唐君璋不從滿政因眾心所欲夜襲君璋君璋

覺之亡奔突厥滿政殺君璋之子及突厥戍兵二
百人而降尋君璋屢引突厥攻馬邑滿政屢敗之

戰於臘河谷大破之上以滿政為朔州總管封榮
國公頡利可汗怒大發兵攻馬邑甚急誘滿政使

降滿政罵之糧且盡救兵不至滿政欲潰圍走朔
州為其下所殺君璋殺城中豪傑與滿政同謀者

三十餘人上以滿政子元績為上柱
國襲爵後突厥請和親以馬邑歸唐

李克用

其先本西突厥別部世居沙陀姓朱邪氏父
赤心憲宗時歸唐居五原後以五原迎回鶻

徒居定襄生克用於定襄神武川之新城懿宗時
赤心以討龐勛功拜大同軍節度使賜姓李名國昌

克用為沙陀副兵馬使戍蔚州禧宗時會大同軍
亂殺防禦使段文楚推克用為留後表求救印朝

廷不許因克用據雲中以國昌為大同節度使令
克用無以拒國昌不奉詔入雁門寇忻代逼晉陽

詔河東昭義合兵討沙陀皆為所敗復以李琢為
朔蔚等州招討討國昌幽州節度李可舉討克用

大破之父子走連鞞居陰山克用時與達鞞遊
獵置馬鞭木葉或懸針射之無不中豪帥心服置

酒與飲酒酣克用言日吾得罪天子願效忠而不
得今聞黃巢北來必為中國患一旦天子若赦吾

罪得與公輩南向共立大功不亦快乎人生幾何誰能老死沙磧耶會其族叔李友金從陳景思入援京師說景思遣使詣行在請召國昌父子為帥以平代北詔如所請友金以五百騎迎之於是國昌守代州克用將兵四萬至河中討黃巢大破之收復長安功第一時克用方二十八歲於諸將中最少兵勢最強諸將畏之一目微眇時人謂之獨眼龍兵皆黑衣每征討賊憚之曰鷓軍至矣輒避之中四年以克用為河東節度使鎮晉陽昭宗時封晉王子存勳滅梁有天下為後唐追贈太祖

宋

袁繼忠

振武人父進事周為防禦使繼忠以父任補右班殿直宋太祖平澤潞討并汾悉預攻戰

與都巡檢郭進畧地忻代太宗時契丹入代境繼忠護高陽關與崔彥進破契丹長城口殺獲數萬象金書褒美累功遷西上閣門使為人長厚忠謹士大夫多與遊子用成雍熙中登進士第官太常

士博

明

孫憲

舊志未詳

于友賢

舊志未詳

李信

字師遠本州人有膂力能搏虎永樂初累樹奇勲由虎賁士歷陞指揮同知尋拜鎮國大

將軍出鎮高郵再鎮遼東蒙賚甚厚人以殺虎李目之後致仕沒於高郵次子粥有詩名

郭都

西里後留城村人家貧從事行間時外兵犯境都守西門獨出伺敵適敵以四騎畧地都

力鬪盡殪之守道驗其功報上用為中軍後屢獲奇功官至總兵正德間江彬專擅都鯁直不屈因匿其功故生平戰績不傳於世云

鄭本公

本州人正德庚午舉人甲戌進士為御史以直言廷杖事見通紀歷官大理寺卿

王直行

貢生任華陰縣知縣心存愷悌政尚寬平華人思之有去思碑

蔚宙

本州人萬曆中歲貢任韓城縣丞宙性狷介周知民瘼寢食不遑韓城多山麓戶田萬畝

業者數十百人而稅多籍之一人各下蓋數十百人力不能相若時常輸將彼此觀望因以後期宙為之區分父子兄弟糧各異籍子輸而父負弟輸而兄負皆不相逮自此法立而輸者恐後視政數月庶獄平允百度以貞後陞紀善

孟周

本州人成化丁酉舉人授河南閿鄉知縣時有疑獄開閣思過會蛛沿纓上命緝朱英果

獲陞衢州府同知

周維新

本州人歲貢陝西會寧知縣調任兩當陞任平涼府通判舊志載居官廉明處鄉忠厚任

所曾建生祠見通志

閻汝坤

本州人隆慶庚午舉人任華州知州居官清正不媚上大計註下考家宰孫丕揚顧謂左

右曰此官天下清苦第一擢刑部郎中

孟公度

本州磨石溝人官至應天府尹致仕

馬從仁

字德庵曾施棺瘞骸捐穀賑饑

高承勲

字紹纓朔州衛百戶幼入泮食廩後繼祖職官至副總兵乞骸歸詩酒自娛有古王謝風

國朝

解元才

字法周號孫碩家貧苦學博通經史以廩生登崇禎壬午鄉薦順治丙戌成進士初任山

東濟陽縣知縣居官清廉所建白皆闕國計民生甫一載餘大計卓異晉戶部主事當事薦其心

計精明才敏練

欽差總理漕儲 再差易鎮糧晉階員外郎陞郎中

欽點丁酉科四川正主考陞池州府知府察吏安民循聲

史成 字薦章本州人朝顯之孫幼以孝聞父久卧

解大義不事章句聞人談郭子儀狄青事輒拊髀

嘆曰大丈夫當如是矣識者奇之康熙三十五年

隨大同總兵康公征噶爾丹有功補營把總四十

二年陞湖廣永定營遊擊進剿紅苗奪大小天星

等寨自午至未殺逆苗四百九十三

人生擒八人累官浙江寧台總兵

欽賜蟒袍抵任值大盜陳君元等擾亂海洋成嚴督官兵

指授機宜擒君元並賊首吳周翟老四玉林三等

悉置之法奸宄屏息海洋大安

熊毓英 字俊之朔州衛人康熙壬子科舉人慈祥性

租焚券鄉人德之乙丑選湖廣襄陽府宜城縣知

縣下車除供應汰雜派減耗羨立義學興市集

強梗嚴盜賊戒賭博甫及一載風清弊絕旋致仕

歸宜之士民於邑之南門外勒政績於石以垂不

朽云

王炳日 字暉菴本州人而生穎敏讀書能數行下孝

友性成登康熙戊午鄉薦授高平教諭陞威

遠衛教授課士有法遷山東莘縣知縣康熙五十

九年莘大饑為急陳災傷奉

旨發穀賑饑六十一年又饑復陳災傷開倉大賑莘民全

活甚眾雍正元年東撫黃公炳發銀四百兩買米

續賑不敷復詳請發藩帑八千兩沿戶給散日無

蔚嘉宗 字明生州屬蘇村人方十六歲遭兵變闔家

被害孤身獨存艱苦萬狀聞嫂被虜京都與

產匍匐赴京贖回敬事之又修葺祖廟躬親灑掃

跪拜至老不懈宗族咸稱其孝於康熙辛酉庚午

等年歲荒施粟周濟蘇村一鄉多所全活由歲貢任樂平縣訓導次年歲歉將已俸借貸兵民待有年補還邑人感之還鄉之日兵民隨送三十里外依依不忍舍去享年八十七歲臨終有鄉人歷年所借錢粟文約九十餘紙盡發還本鄉人至今頌高義焉

王人龍

字德符本州人五歲喪父賴兄人麟撫育成

道以援例授大名府魏縣丞後移吳橋管理河務時河水暴漲沒人田廬人龍增堤築壩殫心竭力水患頓息居人皆獲安席邑人德之

張鴻翔

字凌霄本州人由歲貢除平陽府垣曲縣訓導以內艱歸服闋補萬泉縣司訓縣故僻邑

環萬山中人未知學翔殫心教育文風丕變平生嚴氣正性不可干以私至與鄉人處則謙卑遜順平易近人里黨咸欽仰之云

太史公有言古者富貴而名磨滅不可勝數惟個儻非常之人稱焉生斯世也不能建豐功樹偉烈使夫績紀旂常名勒鍾鼎則亦與草木同腐已耳烏足貴哉朔地界邊方風氣剛勁多雄武非常之士習於戰鬪斬將搴旗往往奮不顧身以殉國家之急若王霸之中興漢室張遼之威震江東賀拔勝兄弟累著軍功李國昌父子征討叛鎮此皆事功之表表者自時厥後文德武功猶為繼踵或直言廷杖或勦賊安民循良之吏神明之宰存心濟物隨分設施雖小大不

同亦莫非事功也倬彼芳猷景行不遠有志者可使
旗常鍾鼎之業竟為絕響乎哉

文行

元魏

梁

越

新興郡人博通經傳性純和魏初為禮經博士道武以其謹厚遷上大夫令授諸皇子經

書明元初以師傅恩賜爵祝阿侯

元

董

朴

本州人初為陝西按察使檢法太史院主事皆不就集賢院奏其賢除授翰林院修撰承

務郎同知制誥兼國史院編修致仕學者稱為龍岡先生云

明

蕭

宗

朔州世襲千戶性孝能文都御史王越因其居扁日雪月軒題詩輒之見藝文

薛

端字存正本籍山東章邱人由朔州學武生中

副千戶職改衛鎮撫善詩文

杜

麟字延及朔州衛世襲指揮學文之子初學文

景泰庚午舉人後襲武職以賢能稱

劉

貞字以正本州人有學行嘗以懷材抱德科應

召不仕而還隱居教授從遊者嘗百餘人所

相

俊字世英本州人淹貫禮義博通經史凡天文

曆志兵家術數之書無不披閱所著有鳴盛

孫繼榮

本州人雅負才名以明經起家為范縣學博

督學使者簡主遼陽書院課士之暇取石室

金匱之藏一覽無餘年方強仕挂冠而歸購遺書

高

嵐字仰民本州人博學能詩古文詞不樂

蕭

廣字惟勤宗之子讀

楊

浩字希孟歲貢除授陝

蔚

可大字有功輸粟助邊除授本衛指揮家世耕讀

兄弟同居開館延儒課其子孫長子文煒姪

蔚

文炳可大子字仲野別號懷村山人

章

素鬱字介石行已有恥誨人不倦從遊者三百餘

人有門人錄所著字學反切分明迄今佔畢

之家猶傳習之

盧貞之

號幹齋賦性孝友兄弟四人有一分其先人舍八十畝為人應分二十畝內有一分如兄不願弟願易之

義家長兄分之不樂貞之日如兄不願弟願易之且擴義家之地復舍一畝止一十七畝後其孫時

泰以科名顯

盧淳

貞之子字子厚家世科第早歲遊庠以父故不仕課子習舉子業次子時泰登進士第封

父如其官居恒不出門戶不謁有司年家子姪奉命至者造請不得望見顏色時泰為大行人為給

諫以潘輿迎養淳絕然日晚食當肉安步當車吾行吾素足矣安用此為方子未第時一日在場樓

課業時值秋成牆外穀將熟有本村張姓婦在地竊穗三子時育急下樓淳日何忙遽乃爾時育曰

張婦竊穗當奪之淳日此不過家貧乏食之為彼少年女子一時自愧失計或生他變豈不重財傷

命乎乃止不下樓嗚呼淳之存心如此其食報也宜哉

朱羅鉤

號蒲川樂昌府輔國將軍分封於朔有至性十齡失怙父有遺債賈人已不責償鉤竟還

之舅氏有無歸者鉤迎養之有姊妹及兄嫂皆廢鉤館之別室為平分其祿入使無失所嫂有孤女

撫養而厚嫁之至於棺殮道苟塞土之妻撫恤同居瞽人之子鄉評云儒者氣象處子行藏孝友居

家謙恭涉世非虛譽也見舊志

李報德

貢生任石樓教諭博聞強記工於古作

孫允諧

繼榮子綏寧知縣工詩文善草書著百尺樓稿之楚吟

陳朝相

寧鄉訓導學行兼優長於古文萬曆年重修州志與有力焉

蘇恭

字治甫本州人品行峻潔高文博學為時望所歸詳見墓表

孟以義

本州人恬淡忠厚有古君子風歷任沁水臨晉夏縣訓導至今士猶思之

馬東伯

字景宿呈池長子幼失怙哀母孟氏寡力勤耕作以家務為己任遊武庫中順治辛卯副

孫書香不絕

馬東陽

字景曜呈池仲子生四歲而孤母孟氏撫養教訓稍長穎悟過人出就外傳入奉母訓讀

書至夜分不寐為文雄放有奇氣初受春秋於馬邑令徐公明弼復就正於別駕楊公達皆以大器許之登順治戊子鄉薦表揚母節得膺旌典勁直剛方期許不凡中式方九年竟齎志以沒里黨深嘆惜之

周鼎望

維新孫學問淵博尤精書法性情樂易處閔里睦姍任恤人多德之歿後學正許喬樓訓

導宋曾同謚
日文懿先生

盧繩祖

號奉先時秦之孫偶遇隣家失火延及己屋合城官民來救繩祖焚香跪祝曰此某不德

禍及比隣願受天罰不多時風回火返北隣三房俱為灰燼本州官長同見之次日早堂喚失火人賠蓋沿燒房屋有折斷繩祖處一問官亦令賠繩祖曰天禍己身何怨於人

熊毓才

字元之州前里人好善樂施康熙十九年朔

饑又捐粟賑濟減價糶粟其他助人之婚娶營助棺槨之類不一而足鄉人德之

支寵榮

字子異世居西山下無忌村守祖父家訓閉戶讀書足跡不入城市教授生徒從遊甚眾

中康熙癸酉科舉人好行善事嘗往來范家嶺聞人從溝中行多被狼虎傷惻然念之因減日用費

慕趙姓開道山上於是
被害者少人咸德之

支盛榮

字子昌龍榮胞弟與兄并守家訓同讀書而
才華過之好詩古文詞善草書秉性捐介不

輕與人交惟
以詩酒自娛

馬發一

字子信歲貢任繁峙訓導為諸生時敦尚實
學文以氣勝不屑屑蠅墨心平氣和處世以

厚年八十
八以疾終

李日榮

字懋齋歲貢為人敦厚靜正安貧修行朱顏
鶴髮老而彌健壽九十九歿至今人猶緝之

蔚 珣

字雲台拔貢城破時年方九歲為旗兵所獲
親黨赴京覓歸珣痛人亡家破勵志讀書年

十六遊泮丙寅拔貢治家教子足不出戶外康熙
庚午辛未歲累不淑珣散米賑貧免佃戶田租一

百三十餘石讓逋欠一
百二十餘兩鄉人德之

王霖生

少英敏書法最工文章風雅純倫年十九督
學汪公奇其才聘之閱文歷四載始歸後不

第因苦心研索二十八載以嘔血卒識
者嘆曰此子弗壽亦邇之文運一厄云

盧 植

歲貢任沁水訓導字培元少勵志讀書補第
子員饒於庠守祖父家風足跡不入城市性

愛花鳥獨坐園亭人來即避之貞後為
廣文數載不改儒素年八十六以終

馬存一

字子誠東陽子四歲而孤未幾龍伯亦逝諸
兄俱未冠祖母孟母雷撫諸遺孤皆能成立

存一自少及壯養生喪死備嘗艱苦治家教
子克紹先業子孫皆遊庠年八十三矣

蒯永璋

字世符左里人丁丑拔貢生而天性孝友質
實無偽不為崖異斬絕之行其與物薰然以

和未見有疾言遽色雖庸夫孺子無不敬而愛之
其讀書邃於理學為文尤以養勝洵醇厚篤實之

君子也雍正三
年舉鄉飲大賓

李浩發

字穎川號僊木前里小代堡村人少而介立有清操好學修謹不預戶外事年十九補博

士弟子家故貧以研田自給多所成就登雍正癸卯科鄉薦屢上春官不第貧益甚僮石無儲或并

日而食身恒布衣雖盛暑亦然而清操愈厲不取非其道以教諭待除未及選抱病以卒士林悼之

子朝陽州庠生循循謹飭亦有父風云

盧

標

字樹元繩祖仲子幼與兄植勵志讀書為文有奇氣入棘園者屢卒不售貢後得軟脚病

遇道人張太春學修養術兼習天文地理諸事督修文昌祠內外規制皆其經營年七十七選五台

學訓導三載解組歸里住祖居後留城村有子七人含飴弄孫不入城市時年八十四矣

蘇之芬

字鐸菴恭之孫賦性慈良事親色養兼至孺慕終身於兄弟尤篤友愛祖遺產業俱讓兩

弟弱冠中丁卯科鄉試初授平陽府曲沃縣教諭果士有方陞陽高衛教授以端品行明經學為教

雍正三年改衛為縣芬創修縣誌稿成呈邑侯房公稱其有史才乃授梓云

子以四教先之以文繼之以行而要之以忠與信蓋

文以明道行以進德即學者致知力行之功而忠信

則文行之本也聖人教人固欲其文行並進而學者

之資性不能無偏故四科中已有德行文學之分矣

後之學者能學行兼優華實並茂斯彬彬乎禮樂之

選也次則寧樸毋華寧拙毋巧敦本修行雖厚重少

文猶不失為謹飭之士古人有言先德行而後文藝

正謂此也朔在曩時好學慕古之士尚有不乏以今

較之不無少遜者則利心勝也利心甚則忠信薄而文行失其本矣有志復古者尚其於此辨之哉

豪強

漢

聶壹

馬邑人豪士也武帝元光二年六月大行令王恢言匈奴初和親可誘以利伏兵襲擊必

破之御史大夫韓安國以為不可帝卒從恢議使安國等將車騎材官三十餘萬匿馬邑傍谷中約單于入馬邑斬死囚頭懸城上示之俟其不疑然後縱兵急擊王恢李息李廣別從代擊其輜重於是先遣壹為間亡入匈奴日吾能斬馬邑令丞以城降財物可盡得單于信之將十萬餘騎入武州塞未至馬邑百餘里見畜布野而無人牧怪之及攻亭得雁門尉史欲殺之尉史以漢謀告單于單于大驚引兵出塞日吾得尉史天也為天王漢兵追至塞勿及王恢等以便宜罷兵帝怒下恢廷尉恢自殺

元魏

高

歡

小字賀六渾懷朔鎮人其先世祖隱為晉元

侍御史坐法徒懷朔世居北邊遂習鮮卑之俗至

歡深沉有大志家貧執役在平城富人婁氏女見

而奇之遂嫁焉始有馬得給鎮為酋使因事至洛

陽見朝政不行魏將亂還家傾貲結客或問其故

歡曰時事如此財物可常保耶與懷朔省事雲中

司馬子如外兵史侯景相友善並以任俠雄於鄉

里秀容契胡酋長爾朱榮神機明決禦眾嚴整時

六鎮俱叛榮為并肆汾廣恒雲六州討虜大都督

兵勢強威豪傑皆歸之歡與侯景先從杜洛周後

奔葛榮又亡歸爾朱榮司馬子如先在榮所屢薦

於榮榮見其樵悴未之奇也會從榮往馬廐廐有

悍馬榮命歡剪之歡不加羈絆而剪之竟不蹄齧

起謂榮曰御惡人亦當如是榮奇其言坐歡於床

下屏左右訪以時事歡曰聞公有馬十二谷色別

為算畜竟何用也榮曰但言爾意歡曰今天子闇

弱太后淫亂嬖孽擅命朝政不行以明公雄武乘

時奮發以清帝側霸業可舉鞭而成此賀六渾之

意也榮大悅語自日中至夜半乃出自是每參軍

謀為榮所信任從入洛陽舉大事及爾朱榮敗歡

復計奪爾朱兆兵統六鎮得為大都督東道大行

臺冀州刺史起兵討爾朱氏恐無以號召四方權

立渤海太守元朗尋以疎遠廢之乃迎平陽王修

立之又以猜忌逼入長安是為西魏歡復立清河

王世子善見為靜帝遷鄴是為東魏後自病逐君

之醜事之甚恭事無大小必以聞可否聽昔每侍

宴俯伏上壽帝設法會乘輦行香歡執香爐步從

鞠躬屏氣承顏望色故其下奉帝莫敢不恭後因

屢攻西魏五壁為韋孝寬所困發疾使斛律金作

救勒歌歡自和之尋卒子澄嗣

為盜所殺洋遷魏祚這國號齊

侯

景

懷朔鎮人先與高歡從杜洛周後奔葛榮再

歸爾朱榮榮敗從歡入洛擊敗賀拔勝得

人

為河南大行臺歡卒景與高澄有隙謀叛高氏為
慕容紹宗所敗奔歸於梁復反梁攻破臺城逼死
武帝逼亂深陽公主自號宇宙大將軍弒簡文殺
太子僭稱漢帝即位南郊改元太始有司請立七
廟景曰何為七廟對曰天子祭七世祖並請七廟
之諱景曰前世吾不復憶惟阿命名標且在朔州
伊那得來噉是及陳霸先王僧辯起兵討之景為
所敗以皮囊盛其所生二子挂之鞍後而走為追
兵所及推墜二子於江將入海為楊鷁所殺以鹽
納其腹中送尸建康傳首江陵截其手送於齊暴
尸於市人爭食之并骨皆
盡深陽公主亦預食焉

隋

劉武周

本瀛州景城人父匡徒馬邑母趙嘗夜坐見
若雄雞光燭地飛投其懷感而娠生武周驍
勇善騎射初為鷹揚府校尉太守王仁恭愛遇令
總虞侯直閣下盜仁恭侍兒懼覺誅囚隋末天下

亂乃推牛縱酒大言煽眾恭帝義寧元年春二月
仁恭坐廳事武周上謁其黨張萬歲等隨入升階
斬仁恭持其首出徇郡中開倉以賑飢民馳檄境
內屬城皆下之收兵得萬餘人造使北附突厥虜
破柔乾鎮雁門樓煩定襄等郡進取汾陽宮獲隋
宮人以賂突厥始畢可汗始畢以馬報之兵勢益
張突厥立武周為定陽可汗遺以狼頭纛武周即
皇帝位立妻沮氏為皇后改元天興以衛士楊伏
念為尚書左僕射妹婿苑君璋為內史令尋相尉
遲恭皆歸之易州賊宋金剛為竇建德所敗率眾
來附武周聞其善用兵以妹妻之兵威大振遂襲
晉陽拔汾滄等州關中震動後為唐秦王李世
民所敗武周將尉遲恭尋相張萬歲等皆降
世民武周奔突厥復思叛走為突厥所殺

唐

苑君璋

馬邑豪也以趨雄自奮為劉武周妹婿武周
亂以君璋為內史令守馬邑武周將舉兵南

下太原君璋諫日唐以一州兵投取三輔所向風靡此殆天授非人力也太原而南多險阻今東甲深入無踵軍有失不可償不如北連突厥與唐合縱南面稱孤此上策也武周不聽未幾敗泣日不用公言以至於此即與共趨突厥武周死突厥以君璋為大行臺統武周部曲使郁射設監兵與信將高滿政夜襲代州不克高祖遣使招之君璋拒命滿政勸君璋日突厥無禮豈可北面臣之請盡殺其象以歸唐君璋不聽而馬邑困於兵人厭亂滿政因象不忍夜脅君璋君璋奔突厥滿政以城歸唐詔拜朔州總管封榮國公君璋引突厥攻陷馬邑殺滿政夷其黨乃去退保恒安其郡皆中國人多叛去君璋窮乃請降高祖使雁門人元普賜金券會頡利亦召之意猶豫其子孝政諫日大人許唐降又貳頡利自取亡也今糧盡象攜不即決恐肘腋生變孝政不忍見禍之酷也即單騎奔南君璋喻反之召象與謀恒安人郭子威日恒安故王者都山川足以自固突厥方強我援之可觀天

下變何遽降君璋然之執元普送突厥頡利德之遺以錦裘羊馬又與突厥寇馬邑犯太原邊人苦之其下怨投書於門日不早附唐父子誅孝政懼欲自歸為君璋所拘後見頡利政亂知將亡遂率所部降入朝拜安州都督封芮國公食邑五百戶賜帛百千匹君璋不曉書然天姿習事歷職多惠稱貞觀中卒邑志云君璋歷職以惠稱何不以惠異地者惠桑梓耶芮國之封自為計則得矣引突厥攻陷馬邑殺滿政執元普然則馬邑亦安賴有此人哉其言當矣

五代晉

杜重威

其妻石氏為晉高祖女弟封公主拜重威舒州刺史累功遷侍衛親軍都指揮領忠武軍

節度加同平章事潞州成德軍節度使後叛為晉所殺

金

虞仲文

寧遠人寧遠遼州屬縣仲文仕遼為相降金為平章政事封秦國公叛主事讐行多不

義

世之治亂人為之而治亂之人則天生之也天生之天亦不得而主之凡皆氣之所為耳世將治如晦向明歲之自春歷夏則必有清和之氣而其生人也為忠為義以治之世將亂如明向晦歲之由秋徂冬則必有乖戾之氣而其生人也為兇為暴以亂之世不能治而無亂人不能有善而無惡何莫非陰陽錯雜之氣乎朔介漢邊與蕃為隣强悍素習負以桀鷲

之性踞池之材所在多有而其最者莫如魏季之侯景隋末之劉武周一南叛蕭梁自為宇宙大將軍一北附突厥封以定揚可汗窮兇極惡何殊羿莽生斯地也不能流芳百世且遺臭萬年矣筆之於書是亦構杌垂戒之意也夫

列女

北齊

斛律氏

鉅鹿郡公斛律光長女樂陵王百年妃時災異屢見帝以百年厭之使召百年知不免割帶玦留與妃別見帝擊死瘞之妃把玦哀號不食月餘亦死玦猶在手掌不可開時年十四

元

劉氏

賈賢妻夫亡氏年二十餘二子長福義六歲次福禮尚在乳哺氏服喪撫子誓不二天惟事女紅以營祭養芻居五十餘年始終一節至正間旌其門日貞節

明

李氏

軍士王幹妻正統十四年其夫從征陣亡於陽和後口氏聞之號哭設靈祭奠所生一女方九

歲氏以夫所遺白金二百兩悉托姪男敬撫養嘗與親戚言夫既早亡妾獨何存至九月二十二日夫亡兩月餘矣乃自縊於靈几前吊者莫不驚嘆事聞旌表其門日貞烈

董氏

朔州衛武敏妻夫亡氏年二十五歲遺子四人俱幼姓垂老氏甘貧自守勤紡績以資俯仰孝養其姑甘旨弗違姑歿哀毀嘗祭成禮撫四子比成童即造就外傳每歸必程其課業勤惰而戒勉之次子傑中景泰庚午鄉舉仕至秦府長史守志四十餘年年逾八表成化十年旌表

董氏

指揮方諒妻無子夫邁疾二載奉湯藥寒暑無倦意及卒氏年二十八誓不改適以奉舅姑曰二親老矣是地下所不瞑目者朝夕奉養克盡孝道舅姑相繼亡鬻奩具葬祭又敬養庶姑林氏苦節三十三年內外無間言成化十年旌表

趙氏

李通妻正統間夫亡氏年十八懷孕累欲自縊姑曰爾幸有身如生男爾夫有後雖死不死若女也當遂爾志已而果生男各繁忍死撫育舅姑歿葬祭如禮孀居四十年人無間言成化間詔旌

錢氏

千戶董儀妻夫亡氏年二十遺孤在襁褓中哀痛不欲生當夜屏人自經姑覺救免後孝養舅姑撫育孤子甘貧守節遠孤治成立氏年五十有五卒弘治間旌表

高氏

雷頤妻詳見本傳

王氏

總旗劉勝妻勝從征沒於陽和後口氏年二十有二遺孤二繼錢皆幼姑亦衰老一聞訃音遂撞簷柱下絕而復甦者數次守節四十八年撫遺孤並夫姪威俱成立弘治五年詔旌表其門

師氏

郝讓妻夫亡氏年二十無子晝夜悲號出奩資營殯葬畢一夕跪哭於殯前遂自縊死老少聞之無不流涕

楊氏

舉人郝紀妻紀病氏默祝願以身代及卒氏年二十餘每謂所親日計惟自經方盡吾事柰二

老母在堂二女未適人此吾夫兩欠事遂不死
事舅姑數年相繼歿以禮葬祭二女成人俱適各
門孀居三十五年足不
出門正德四年旌表

蔚氏

牛茂妻夫亡氏年二十餘遺子珍在襁
褓撫育成立守節五十餘年始終如一

丁氏

周廣妻夫亡氏年二十遺子三遇之甚嚴稍長
就外傳日必自課其業三子畏憚如嚴父長宗

以國子生任陝西吳堡知縣次俱成
立縞素五十餘年節高而才尤足稱

張氏

舍人李宣妻夫亡氏年二十一歲姑老子鳳引
在襁褓誓不再醮姑歿葬之以禮撫孤成立任

太原府訓導巡
按御史旌表

徐氏

王國臣妻夫以攻金為業因傾演官銀虧折包
賠不敷歸而謀諸婦欲脫簪珥以償之氏有德

色夫火毒而卒氏追悔
不旬日自縊奏聞旌表

盧氏

侯國妻早歲失怙與登母垂髫作苦及笄適國
家素清苦縞衣藿食中年喪夫四壁蕭然矢志

守節女工度日訓子養挂力學食廩
饑孀居三十年始終不渝內外無間

朱氏

許士連妻夫亡後堅操茹苦日午不爨窮冬單
衣糲糠度日備嘗艱辛撫育遺孤應科等成立

孀居三十八年始
終如一詔旌其門

倪氏

盧天保妻
詳見本傳

盧氏

貢生蔚日昇妻夫亡氏年二十四歲家甚貧日
不再炊以女工為人傭度日六十七歲卒

孟氏

殷體智妻夫亡氏年三十歲五子俱幼操守冰
雪延師訓教瑜瑾遊泮璋中武舉壽七十餘卒

以上俱見通志

孟氏 農氏馬呈池 妻詳見本傳

雷氏 生員謝北闕妻幼年喪夫甘貧守節誓不再醮 子璋得列歲薦守道表其門曰苦節可貞

王氏 生員李敬伯妻年二十三而寡貧苦守貞始終 無間有司以孝姑化婦教子訓孫奏

閩旌表

馬氏 生員王承統妻統亡氏年二十九敬事翁 姑盡婦道閩里稱為節孝六十七歲而卒

雷氏 舉人馬東陽妻夫亡氏年二十九歲姑孟氏老 而善病氏親侍湯藥久而不懈訓子起一存一

俱遊庠郡侯 陳給匾旌獎

高氏 生員盧顯祖妻高里人年二十七而寡遺三女 未字一子彬尚幼家計蕭條零丁孤苦氏備極

艱辛撫子彬入太學女皆適名門卒年八十 四郡侯屢加旌獎表其門曰松柏常貞

解氏 生員劉屏妻夫亡氏年二十歲哀號不已欲以 身殉其弟梓方勸之曰盡節得矣其如耄姑梓

子何於是勉事孀姑勤女工以供甘旨姑沒力襄 大事至撫孤子則延師訓誨日加課督早年入泮

孀居六十二載壽八十二歲而終雍正六年其孫 順昌以氏守節狀呈州詳請旌獎 撫憲石批云

青年破鏡皓首全貞菽水奉孀姑既以婦道而兼 子職在熊訓孫子尤以慈母而代嚴君厲節六十

餘年享壽八十二歲允宜旌表以闡幽光具疏上 請候

旨建坊旌表

劉氏 王善教妻夫亡遺一子一女房產俱無寄食兄 嫂家時有欲奪其志者氏誓死不從又強之氏

恐不免至夜半將小襖用針線密縫投井而死事 聞奉

旨建坊旌表

李氏

孀生鄭煜妻夫亡氏年十九歲翁姑年老止一幼女氏奉事舅姑盡孝撫育幼女成立孀居三十八年人無間言

十八年人無間言

張氏

羅世弼妻羅詩書門第氏初入門謹遵規範不欲自縊舅姑救之而甦乃嘆曰翁姑老年子在襁褓我死如翁姑何於是矢志守節竭力奉養家貧無資皆取給十指中以美食奉舅姑自甘粗糲翁亡力襄大事姑失明氏心愈痛色養備至撫育遺孤雖就外傳而氏日三試其課遂入泮試輒冠軍氏苦節五十餘年壽七十餘歲而終州守陳公永昇憐其窮冬單衣藜藿不充周以錢米而旌其門曰節孝可風

劉氏

幼端靜年十八適庠生蔚復正至二十三歲夫亡遺二子瑛俱幼氏矢志金石持家勤儉撫二子成立瑛入太學孀居五十餘年今八十有二云

閻氏

庠生蔚增妻增病氏嘗湯藥承事無違及卒氏守節撫孤三十餘年子懋聰入泮女適名門內外無間言雍正癸丑州守旌其門曰冰心相操

李氏

雷溥妻孝事舅姑曲盡婦道三十而孀甘貧植節備嘗艱苦撫三子皆成立苦節四十餘載見年七十八歲州守給匾旌獎

郭氏

監生盧之治妻詳見本傳

閻氏

孟之鎔妻夫亡遺子法孔甫八月舅姑年老家徒壁立氏曲盡孝道父舅姑偕逝拮据以襄大事皆取給針黹教子濬泮見年七十歲苦節三十載雍正七年督學廟以貞標月朗四字旌其首門

田氏

生員田貞吉之女適里民解爰年十九而寡子應魁方在襁褓又三月生遺腹子悉備氏甘貧

守節撫二子教養備至迄
今三十九年節操愈厲云

趙氏

董弘祥妻雍正三年結褵甫八月夫亡隻影六年極養志以慰翁姑婦兼子職撫養孤以存宗祀子勝親生祇緣媒氏狂言遂使孀嫠殉節允宜旌表以慰幽魂

褚氏

拔貢盧永昇妻夫亡氏年三十歲遺子四俱幼氏撫育教訓俱得遊庠孀居四十餘年里人賢之公舉於州旌其門日節操松柏

李氏

王待聘妻夫亡氏年二十六歲貧苦矢節撫遺孤學謨學訓學誥皆業儒有九熊畫荻之風焉

劉氏

解乾妻夫亡氏年二十五歲遺孤二長年三歲次甫數月氏茹苦守節後長子亦亡守次子成立壽八十

張氏

王越眾妻夫亡氏年二十歲家徒壁立堂上有哭子表明之孀姑膝下有襁褓失怙之孤子孤苦伶仃毫無生計氏女紅度日竭力奉姑義方訓子致中遊庠守節三十餘年

雷氏

馬琇妻十九歲適琇越二年琇亡家道極貧守節事舅姑奉養甚謹訓子顯功率教成立孀居二十四年

郭氏

盧秉錕妻夫亡氏年二十二歲家極貧苦糟糠不厭撫一手能成立事翁姑尤婉順鄉人稱節焉

蔡氏

廩生盧于城妻夫亡氏年二十九歲止遺三女俱幼上有孀姑蘇氏年近七旬氏誓不改適奉事惟謹姑勤儉慈明洞悉族中子姪減否見氏苦節因命必擇姪四科為嗣氏恪遵之撫育訓誨四

科克承舊業三女皆適名門母賢子孝庭闈之內洩洩如也氏身不衣帛親理家事常如姑在時鄉

黨不獨欽其節尤稱其賢孝云

張氏 尚幼氏克勤克儉撫二子皆成立無何文明亦

張氏 尚幼氏克勤克儉撫二子皆成立無何文明亦
祚翰承嗣能繼姑志里中稱雙節云

周氏 萬泉縣訓導張鴻翔妻劉氏方二十八歲遺

周氏 萬泉縣訓導張鴻翔妻劉氏方二十八歲遺
子珮玳俱幼氏誓不二天撫二子讀書成立皆
青其矜孫永顯亦饒於庠且抱子矣見年六十四
歲苦節三十餘年州守汪旌其門曰敬共遺範

蒯氏 生員楊瑜妻瑜歿氏年二十九歲鵠處三十餘

蒯氏 生員楊瑜妻瑜歿氏年二十九歲鵠處三十餘
年教長子永盛早食糜餼次子自盛亦入泮
王凝圖妻圖亡時氏年二十八歲遺子女各二
俱在襁褓中時家道貧寒氏矢志苦守完夫夙

俱在襁褓中時家道貧寒氏矢志苦守完夫夙
無不成禮享年六十二歲守節三十五年

劉氏 年十七歸里民孟學孔六年而夫亡遺一子二

劉氏 年十七歸里民孟學孔六年而夫亡遺一子二
女氏茹檠含辛撫子嘉賓成立無何而嘉賓又
故遺妻劉氏始二十二歲子女俱無慕姑之
義姑媳相依嚮然不滓里人嘖嘖稱嘆云

任氏 里民孟師孔妻年二十四歲夫亡時祖姑在堂

任氏 里民孟師孔妻年二十四歲夫亡時祖姑在堂
子女俱幼氏孀居矢節孝養祖姑凡櫛沐抑搔
之類必躬親之祖姑逝經營喪葬皆出十指又銖
積寸累以辦國賦撫子女成立守節三十年

李氏 教諭李永弘女年十五適生員趙昂克盡婦道

李氏 教諭李永弘女年十五適生員趙昂克盡婦道
夫亡無子遺三女時氏年二十九歲家貧甚氏
糟糠自甘誓不改適至今四十一歲清操愈厲

徐氏 張鴻翹妻失沒氏年二十三歲子女俱無遺土

徐氏 張鴻翹妻失沒氏年二十三歲子女俱無遺土
房三間下地五十畝氏誓以死守嘗語人曰吾
必隨夫棺而葬每日親拂其柩至六十
餘年壽八十六歲卒與鴻翹棺同葬

車氏 生員杜瑄妻瑄亡氏年十九歲遺腹生子紹美

車氏 生員杜瑄妻瑄亡氏年十九歲遺腹生子紹美
矢志守節備歷窮苦撫紹美成立娶媳徐氏甫
五載紹美又故遺子達未彌月時徐氏年二十三
歲與姑同守節艱苦支持金石之操始終不渝車

氏守節四十餘年
徐氏見年五十歲

張氏

生員高珪妻珪沒氏年二十八歲遺子如衡六歲如巖四歲如學尚在襁褓氏志堅金石雖困

約不易撫子俱成立衡八

李氏

生員蔚懋謨妻謨沒氏年二十八歲家奇貧日祇一飯教子篇八泮苦節歷三十年

劉氏

蔚希南妻夫故氏年二十八歲撫遺孤瑤方八泮與媳劉氏亦相繼而亡復撫孫滋彩觀光俱

遊庠守節五十七年
壽八十五歲而終

唐氏

庠生王峻極妻監生唐永齡之女也幼柔惠婉順于歸後恪執婦道氏年二十五而夫亡遺二

子皆鬻戲氏矢志苦守紡績自給撫孤成立長子崇遊泮見今五十五歲

李氏

監生蔚應召妻召亡氏年二十五歲家素貧女紅度日撫育二子俱成立苦節三十六載見今

六十歲

田氏

農民劉鼎妻年二十二歲夫亡止遺幼子家故貧父母勸之改適氏矢志自守毫無異志撫子

年二十餘歲為之完婚越二年子亦亡氏獨守二十餘年至六十五歲而沒始終全節鄉人稱焉

陸氏

生員張弼妻貢生陸既作女夙嫻內則及適弼克盡婦道夫沒誓以身殉家人懇勸自忖日殉

夫易保孤難縞衣藿食毫無異志撫育二子俱成立天秩游庠至今七十歲

蔚氏

里民羅如璧妻二十一歲夫亡氏上事孀姑下撫穉子備嘗艱辛迄今年逾古稀守節五十餘

載州守冀
給扁旌獎

林氏

高邦福妻夫歿時甫二十八歲遺四男俱幼家徒壁立氏令幼子拾熟炭剝苦菜以自給後家

道粗備命子卜新塋遷翁姑於佳城並殯乃夫享年七十六歲

趙氏

里民李鳳妻鳳故氏年二十七歲遺子三裕春思春迎春俱幼氏上無翁姑下無昆弟且時值

歲荒夫遺欠累累氏撻搨支持艱辛百出撫諸子成立壽七十六歲而終

張氏 庠生王善述妻夫病故時氏年二十歲翁姑俱喪出入無依氏誓不再適備歷艱苦撫育遺孤

成立見年六十餘歲

馬氏 齊士璵妻璵亡時氏年十八歲有子方在襁褓氏誓不二志孝事舅姑鞠育幼子至今四十七

歲守節三十年

李氏 農民葉有生妻夫亡時年二十餘遺子二人家貧日不再食氏獨力支持撫子成立守孀三十

年五

句氏 年十六適里民趙泌有志操歷十年而夫亡遺子三俱幼家素貧氏女紅自給親姻藜藿而奉

舅姑以甘脆苦節三十餘年

王氏 里民劉彰妻彰沒氏年二十五歲子國祥國正尚幼氏與子饑寒幾死凡月擊者俱淒然淚下

而氏苦節愈堅至今三十八年州守旌其門曰雪柏霜筠

周氏 生員桓傑女廩生蒯汝培妻也負性孝友事舅姑備極色養與娣盧氏相友愛如姊妹夫文行

最優痛母田氏與妹相繼而亡遂病狂聞三日即不起氏以夫沒無後號泣不已戚里聞者皆酸鼻

後華期漸近氏淚盡繼之以血兩耳無聞遂成篤疾臨危家人欲以色服斂之氏睜目直視曰吾當

重服何為此者遂易喪服而終

落氏 陳儒妻夫亡氏年二十二歲遺子乾佑乾培俱幼氏矢志守節奉事翁姑鞠育幼子未幾翁亦

亡與孀姑李氏同撫孤卒至成立乾佑遊太學乾培亦業儒云

蒯氏 府庠廩生蔚乃實之妻善事舅姑和睦娣姒二十四歲而寡矢志守節痛夫無子欲為立嗣舅

人物列女

姑恐其不終未之許氏以死自誓朝夕哭請舅姑許之以從子邵為嗣氏撫摩鞠育二十餘年如一日今邵已成立氏清操愈厲內外毫無間言

宋氏

農氏劉麟妻麟素有惡疾生子未及三月而亡氏年十九廿貧守節上奉翁姑克盡孝道撫遺子述先成立垂六十年如一日

蘇氏

里民李裕妻夫沒年二十四歲二子方齠家貧如洗氏矢志苦守子稍長傭工度日氏以女紅佐之歷四十餘年如一日

劉氏

蔚登第妻第沒氏年二十七遺二子俱幼堂上有老翁家故貧氏守節自誓事翁惟謹撫二子備極艱辛無何翁亦即世兩棺在堂氏竭力營葬將以吉日啟幽宮時有欲奪其志者議已定氏聞之即自縊柩前郡侯表其門曰志厲韓何

郭氏

庠生牛璋繼室也璋先娶王氏早逝遺子履德尚幼復娶氏生二女璋卒甫二十七歲有以改適餽者氏痛哭日前妻子即吾子也况善事我又何適焉為未亾人可耳撫履德成立遊太學二女俱適名門德備妝奩頗厚氏顧而喜曰有子如是牛氏為不亡矣署州章公表其門曰孝友家風是年秋氏卒壽六十三歲履德喪葬皆如禮郡守莊公臨奠稱為節孝兩全云

劉氏

寓利民醫齡時父母困極鬻氏為婢及長適劉象兜象兜嗜酒棄本業無所聊將轉嫁氏飲毒月將瞑主母陳氏曰子苟他適正生活時也何為死氏曰貴賤雖殊廉耻則一主人翁即世幾十年矣母不去何也况吾夫在前有何面目事他人哉言畢終

陶氏

夫田元廝素浪蕩遠出不歸舅姑欲改嫁氏聞之即自縊死

王氏

平易村里民王守志妻年二十五歲而寡遺二子俱幼氏上奉尊嫜下撫弱子拮据女紅以供

朝夕水操四十餘
年久而彌堅云

張氏

右里民王尚舉妻年二十七歲而寡遺一子一女俱幼家徒壁立氏矢志苦守衣裳饘粥悉從

十指出撫子女皆成立及時婚嫁絮操歷三十年見今五十七歲○氏僻處西山無以節婦舉者乙卯春因族子毆伊兒哭訴於庭細詢乃知為節婦而艱阻備嘗其節尤苦質之鄉鄰均無閒言乃為直其事併究出該族王尚德多年所占地十畝追還氏母子管業因嘆窮鄉僻壤中幽芳勁節湮沒而不彰者為不少也急綴於篇末以示激揚云

天地中正之氣乾得之為剛健坤得之為柔順其東於人也亦然是以桓孟芳徽鍾郝懿範既昭婦則復擅母儀其表見於世者類皆有士君子之行焉彤史

所傳不專以節也女以節見則女之不幸矣而其中又有分焉從一而終曰貞致命遠志曰烈茹荼撫孤則貧無子獨守則苦均節也而節不同是皆彰勁心於後凋表貞期於上德有裨名教允宜表揚以風世勵俗者也若夫貞非得已烈出有因家富而貲財難舍年大而子女羅膝沽名飾節以倖邀旌典謬附緝編則事失其實人將議其後矣槩削不錄維風化也

朔州志卷之十一

外志

流寓

志之作志乎州以內者也志乎州以內則州以外者
可以不志外志何為而作也曰志以志乎州以內則
凡由乎州之外以至乎州之內其人其事皆州之所
必志也皆州之所必志而其人亦偶寄焉耳其事亦
偶著焉耳終非州以內者也故曰外志也春秋魯以
外紀所聞而班史自漢以上芻及古今年表爰是有
不產於朔而僑寓經過於朔者遷客名賢之外若仙

釋若方伎皆間一及之為博古者助志外志

流寓

明

胡宗佑

舊志止
載其名

沈良

字伯循錢塘人由
進士謫戍於朔

解

晉舊志載江西吉水人進士謫戍河州過朔寓
焉與里人蕭廣為詩友考縉以建文元年謫

河州二年召為文淵待召永樂元年為侍講學士
修高皇帝實錄成五年出為廣西布政司右叅議
尋復改交趾九年徵交趾叅議解縉下獄十三年
死於獄家徒遼東洪熙初始赦還未載寓朔舊志
載過朔寓焉且其後裔鑿鑿有據
或亦明史之闕文耶存疑備考

駱

義字崇仁福建沙縣人從父吏於朔善
詩文後以才德舉授紹興府檢校

黃

璿 江西吉水進士翰林院庶吉士除刑部主事

其文章草書人皆珍之景泰初蒙宥回

彭

澤 廣東南海人進士提督四夷館少卿嘉靖十年謫寓於朔尋起用累官兵部侍郎

曹邦輔

山東定陶人進士順天巡撫嘉靖間謫戍朔州生徒遠近從學一時名士皆出其門隆慶

初復起北京都察院副都御史歷官戶部尚書

張士範

萬全人進士翰林院侍講崇正二年謫戍朔州

仙釋 方伎附

晉

卜

羽 晉時匈奴後部人少好讀易郭璞見而嘆曰吾所弗如也奈何不免兵厄羽曰然吾大厄

在四十一位為卿將當受禍耳吾未見子之令終也璞曰吾禍在江南甚營之未見免兆雖然在南猶可延期住此不過時月羽曰子勿為公吏可免諸璞曰吾不能免公吏猶子之不能免卿將也羽曰吾此雖當有帝主子終不復奉二京矣瑯琊可奉卿謹奉之主晉祀者必此人也羽遂隱於龍門山劉淵僭號徵為大司農侍中固以疾辭淵曰人各有心卜羽之不欲在吾朝何異高祖四公哉可遂其高志後復徵為光祿大夫羽謂使者非吾死所也及劉聰嗣偽位徵為太常時劉琨據并州聰問何時可乎羽曰并州陛下之分今茲勉之矣聰戲曰朕欲勞先生一行可乎羽曰臣所以來不及裝者正為此行也聰大悅使持節平北將軍將行謂其妹曰此行死自吾分後慎勿紛紜及攻晉陽為琨所敗羽卒先奔為其元帥斬冲所殺聰聞大怒曰此人朕不能加刑冲何人哉遣御史中丞浩衍持節斬冲

元魏

皇甫玉

不知何許人於魏皇始初從一沙門學相術

而後皆如其言乃知相法不虛也

明

全寅

安邑人少警性聰敏學京房易占斷多奇中

既北狩陰遣使諭鎮守太監裴富富私問寅寅筮得乾之初九附奏曰大吉可以賀矣龍君象也四初之應也龍潛躍必以秋應以壬午浹歲而更龍變化之物也庚者更也庚午中秋車駕其還乎還則必幽勿用故也或躍應焉或之者疑之也計七八年當必復辟午火德之王也丁者壬之合也其歲丁丑月壬寅日壬午乎自今歲數更九躍則必飛九者乾之用也南面子衝午也其君位乎故曰大吉也先欲奉上皇南還朝廷率以為詐寅乃言于石亨亨與于謙協議奉迎而歸及後復辟其言

皆驗

國朝

張道人

字太春自言省城太原人百有餘歲然亦莫知其處莫考其年身矮而肥其軟如綿膚色

俱淡紅髮白重黑鬚亦然背能負重其行如飛注來於朔十數次居無定所古城龍王廟東闕西花庵黨家山龍王廟則其所時棲也通經書兼修養生術冬月極寒伏冷窟中數日不出亦不飲食而不改容與眾坐有佞人輒不語即貢生盧標得軟脚病從學其方得以延壽臨別欲贈以錢恐不受納行囊中張搜得之隨散途中小兒後有傳坐化於都門者

自古高人逸士負絕俗之姿遭時不偶往往寄寓於

宇內之名山奇水以發其曠懷而抒其奇抱又或逃
名耽寂與世無求則亦遠適異域卜築巖棲以遂其
高尚此流寓所以多名賢也若夫羽流老衲采藥鍊
真每託跡於幽巖邃谷之間而藝士家挾術以遊時
往來通都大邑以卜休咎則方伎亦往往有焉朔處
邊關之介塞草萋萋野戍壘壘非有山川奇勝可以
供高士之登臨待幽人之托處也其在有明流寓於
此者多因放逐而至厥後或以起用或以終老或以
教授其遺風餘澤至今猶有傳焉至於羽客術士關
外絕少鴻雪萍踪僅留一二而占驗神奇清虛服氣
迥異時流亦人與事之可紀者統歸流寓以見一斑
若必掇拾異聞附會不經則將雜齊諧於雅正恐非
所以信今而傳後也

